

საქართველოს თავდაცვის მინისტრის

ბრძანება №43
2018 წლის 18 მაისი

ქ. თბილისი

სამხედრო სარეზერვო სამსახურში ჩარიცხულ პირთა სპეციალური მომზადების პროგრამის დამტკიცების შესახებ

„თავდაცვის ძალების რეზერვისა და სამხედრო სარეზერვო სამსახურის შესახებ“ საქართველოს კანონის 27-ე მუხლის მე-3 პუნქტის „ე“ ქვეპუნქტის საფუძველზე, ვბრძანებ:
საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 1

დამტკიცდეს თანდართული სამხედრო სარეზერვო სამსახურში ჩარიცხულ პირთა სპეციალური მომზადების პროგრამა.

მუხლი 2

ეს ბრძანება ამოქმედდეს 2018 წლის პირველი ივნისიდან.

საქართველოს თავდაცვის მინისტრი

ლევან იზორია

სამხედრო სარეზერვო სამსახურში ჩარიცხულ პირთა სპეციალური მომზადების პროგრამა

მუხლი 1

1. სამხედრო სარეზერვო სამსახურში ჩარიცხულ პირთა მომზადების პროცესი წარიმართება საქართველოს კანონმდებლობის, საქართველოს თავდაცვის მინისტრის ან მის მიერ უფლებამოსილი თანამდებობის პირის ინდივიდუალური ადმინისტრაციულ-სამართლებრივი აქტების – ბრძანებების, დირექტივებისა და მითითებების, სამხედრო-საგანმანათლებლო დოქტრინების, კონცეფციებისა და სტანდარტების საფუძველზე.
2. სამხედრო სარეზერვო სამსახურში ჩარიცხულ პირთა სპეციალური მომზადების პროგრამის (შემდგომში – პროგრამის) მიზანია:

- ა) რეზერვისა და მობილიზაციის მხარდაჭერა;
- ბ) მომზადების პრინციპების, მეთოდების და საშუალებების განსაზღვრა;
- გ) სამხედრო სარეზერვო სამსახურში ჩარიცხულ პირთა მომზადება.

3. რეზერვისტს მომავალი ამოცანების შესასრულებლად უნდა გააჩნდეს ფიზიკური შესაძლებლობები და ფსიქოლოგიური დატვირთვის ატანის უნარი, რაც აუცილებელი წინაპირობაა საბრძოლო დავალების წარმატებულად შესრულებისათვის. აქედან გამომდინარე, თითოეულმა რეზერვისტმა მუდმივად უნდა იზრუნოს საკუთარი ცოდნის, ფსიქოლოგიური და ფიზიკური შესაძლებლობების შენარჩუნებისა და ამაღლებისათვის.

მუხლი 2

თავდაცვის ძალების რეზერვის მომზადება მოიცავს:

- ა) რეზერვის პროფესიულ და სპეციალურ მომზადებას;
- ბ) რეზერვის საბრძოლო მომზადებას რეზერვის სახეების (კატეგორიების) მიხედვით;
- გ) რეზერვის ქვედანაყოფების ამოცანაზე ორიენტირებულ საბრძოლო მომზადებას.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.



მუხლი 3

1. თავდაცვის ძალების რეზერვის პროფესიული განვითარება ითვალისწინებს:

ა) რეზერვის ოფიცრების პროფესიულ მომზადებას;

ბ) რეზერვის სერჟანტების პროფესიულ მომზადებას;

გ) რეზერვისტების სამხედრო სააღრიცხვო სპეციალობების შესაბამის მომზადებას.

2. თავდაცვის ძალების რეზერვის ოფიცრების და სერჟანტების პროფესიული მომზადება განხორციელდება „რეზერვის ოფიცრების და სერჟანტების პროფესიული მომზადების კონცეფციის“ შესაბამისად, სამხედრო საგანმანათლებლო დაწესებულებასა და ერთეულებში.

3. რეზერვისტების სამხედრო სააღრიცხვო სპეციალობების შესაბამისი მომზადება განხორციელდება სამხედრო საგანმანათლებლო ერთეულებში და საზოგადოებრივ კოლეჯებში.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 4

1. საბრძოლო მომზადება რეზერვის სახეების (კატეგორიების) მიხედვით, განსაზღვრავს რეზერვის საბრძოლო მომზადების პრინციპებს, მეთოდებსა და საშუალებებს, რათა განხორციელდეს თავდაცვის ძალების რეზერვის ეფექტური და ხარისხიანი საბრძოლო მომზადება, რაც უზრუნველყოფს თავდაცვის ძალების გაძლიერებას და რეზერვის მზადყოფნას დასახული ამოცანების შესასრულებლად – ეროვნული თავდაცვის გეგმიდან გამომდინარე.

2. რეზერვის საბრძოლო მომზადება უზრუნველყოფს საომარი და საგანგებო მდგომარეობის, ასევე, საგანგებო სიტუაციის დროს მათ ინდივიდუალურ და ქვედანაყოფების შემადგენლობაში ეფექტურ მოქმედებას და მიზნად ისახავს, მაღალპროფესიული და ბრძოლისუნარიანი სარეზერვო ძალების ჩამოყალიბებას, რომელიც ხორციელდება რეზერვის სახეების (კატეგორიების) მიხედვით და სპეციალობების შესაბამისად.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 5

რეზერვისტების საბრძოლო მომზადება ხორციელდება ორ ეტაპად და მოიცავს:

ა) რეზერვისტების ინდივიდუალურ საბრძოლო მომზადებას;

ბ) რეზერვისტების კოლექტიურ საბრძოლო მომზადებას.

მუხლი 6

1. აქტიური რეზერვის საბრძოლო მომზადების მიზანია, საქართველოს თავდაცვის სამინისტროს (შემდგომში – სამინისტრო) თავდაცვის ძალებში შემავალი ქვედანაყოფების გაძლიერება და მხარდაჭერა, რაც უზრუნველყოფს სამინისტროს თავდაცვის ძალებში შემავალი ქვედანაყოფების მიერ ამოცანების წარმატებით შესრულებას.

2. აქტიური რეზერვის საბრძოლო მომზადებას უზრუნველყოფენ სამინისტროს შესაბამისი სტრუქტურული ერთეულები, სამინისტროს საჯარო სამართლის იურიდიული პირები.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 7

1. პროფესიული ძალების რეზერვის საბრძოლო მომზადების მიზანია, სამინისტროს თავდაცვის ძალებში შემავალი ქვედანაყოფების ამოცანებიდან გამომდინარე, მათი მაღალი საბრძოლო მზადყოფნის უზრუნველყოფა და მათი გაძლიერება, რაც უზრუნველყოფს სამინისტროს თავდაცვის ძალებში შემავალი ქვედანაყოფების ამოცანების წარმატებით შესრულებას.



2. პროფესიული ძალების რეზერვის საბრძოლო მომზადებას უზრუნველყოფენ და საბრძოლო მომზადებაზე პასუხისმგებელი არიან სამინისტროს თავდაცვის ძალებში შემავალი შესაბამისი ქვედანაყოფები, რისთვისაც შეიმუშავებენ პროფესიული ძალების რეზერვის საბრძოლო მომზადების პროგრამებს, სამინისტროს თავდაცვის ძალების გენერალურ შტაბთან შეთანხმებით.

3. პროფესიული ძალების რეზერვის საბრძოლო მომზადება ხორციელდება ორ ეტაპად და მოიცავს:

ა) რეზერვისტების ინდივიდუალურ საბრძოლო მომზადებას;

ბ) რეზერვისტების კოლექტიურ საბრძოლო მომზადებას.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 8

1. ტერიტორიული რეზერვის საბრძოლო მომზადების მიზანია, სამინისტროს თავდაცვის ძალების ეროვნული გვარდიის (შემდგომში – ეროვნული გვარდია) ქვედანაყოფების ამოცანებიდან გამომდინარე, ქვედანაყოფების მაღალი საბრძოლო მზადყოფნის უზრუნველყოფა და მათი გაძლიერება, რაც უზრუნველყოფს ეროვნული გვარდიის ქვედანაყოფების ამოცანების წარმატებით შესრულებას.

2. ეროვნული გვარდია უზრუნველყოფს და პასუხისმგებელია ტერიტორიული რეზერვის საბრძოლო მომზადებაზე, რისთვისაც შეიმუშავებს ტერიტორიული რეზერვის საბრძოლო მომზადების პროგრამებს, სამინისტროს თავდაცვის ძალების გენერალურ შტაბთან შეთანხმებით.

3. მომზადების პროგრამები უნდა პასუხობდეს ისეთ პრინციპებს, რომ რეზერვისტებმა შეძლონ:

ა) მცირე სამობილიზაციო დროში სამინისტროს თავდაცვის ძალებში შემავალი ქვედანაყოფების საბრძოლო მზარდაჭერა;

ბ) რეგიონის თავისებურებებიდან, სამინისტროს თავდაცვის ძალების დავალებებიდან და მასში შემავალი ქვედანაყოფების ამოცანებიდან გამომდინარე თავდაცვისა და უსაფრთხოების ამოცანების შესრულება;

გ) საომარი და საგანგებო მდგომარეობის, ასევე, საგანგებო სიტუაციის დროს რეაგირება.

4. ტერიტორიული რეზერვის საბრძოლო მომზადება ხორციელდება ორ ეტაპად და მოიცავს:

ა) რეზერვისტების ინდივიდუალურ საბრძოლო მომზადებას;

ბ) რეზერვისტების კოლექტიურ საბრძოლო მომზადებას.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 9

1. სპეციალისტთა რეზერვის პროფესიული და სპეციალური მომზადების მიზანია, სამინისტროს თავდაცვის ძალების ამოცანებიდან გამომდინარე, მაღალი საბრძოლო მზადყოფნის უზრუნველყოფა და მათი გაძლიერება, რაც უზრუნველყოფს სამინისტროს ამოცანების წარმატებით შესრულებას.

2. სპეციალისტთა რეზერვის საბრძოლო მომზადებაზე პასუხისმგებლები არიან სამინისტროს სტრუქტურული ქვედანაყოფები, სამინისტროს სისტემაში შემავალი საჯარო სამართლის იურიდიული პირები – მიმართულებების მიხედვით, რისთვისაც შეიმუშავებენ სპეციალისტთა რეზერვის პროფესიულ და სპეციალური მომზადების პროგრამებს, სამინისტროსა და თავდაცვის ძალების გენერალურ შტაბთან შეთანხმებით.

3. სპეციალისტთა რეზერვის საბრძოლო მომზადება ხორციელდება ორ ეტაპად და მოიცავს:

ა) სპეციალისტთა რეზერვის ინდივიდუალურ საბრძოლო მომზადებას;

ბ) სპეციალისტთა რეზერვის სპეციალობების შესაბამის მომზადებას.



4. სპეციალისტთა რეზერვის იმ კატეგორიისათვის, რომელთა ფუნქციონალური მოვალეობები არ მოითხოვს ინდივიდუალურ საბრძოლო მომზადების შესაბამის უნარ-ჩვევებს, შესაძლებელია განხორციელდეს მხოლოდ სპეციალობების შესაბამისი მომზადება.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 10

1. სამობილიზაციო რეზერვის საბრძოლო მომზადების მიზანია, სამინისტროს თავდაცვის ძალებისათვის გაწვრთნილი, შესაბამისი სამხედრო-საადრიცხო სპეციალობებით მომზადებული მაღალპროფესიული სამობილიზაციო რეზერვის ჩამოყალიბება, რაც უზრუნველყოფს სამინისტროს თავდაცვის ძალების ამოცანების წარმატებით შესრულებას.

2. სამობილიზაციო რეზერვის საბრძოლო მომზადებას უზრუნველყოფს და პასუხისმგებელია ეროვნული გვარდია, რისთვისაც შეიმუშავებს მობილიზაციის გეგმასა და საბრძოლო მომზადების პროგრამებს, სხვა სახელმწიფო უწყებებთან, სამინისტროს შესაბამის სტრუქტურულ ერთეულებთან შეთანხმებით.

3. სამობილიზაციო რეზერვის საბრძოლო მომზადება მოიცავს:

ა) რეზერვისტების ინდივიდუალურ მომზადებას;

ბ) რეზერვისტების სამხედრო საადრიცხო სპეციალობების შესაბამის მომზადებას;

გ) სამობილიზაციო რეზერვის სპეციალისტთა სპეციალურ მომზადებას;

დ) რეზერვის ქვედანაყოფების საბრძოლო მომზადებას.

4. სამობილიზაციო რეზერვის სპეციალისტთა იმ კატეგორიისათვის, რომელთა ფუნქციონალური მოვალეობები არ მოითხოვს ინდივიდუალურ საბრძოლო მომზადების შესაბამის უნარ-ჩვევებს, შესაძლებელია განხორციელდეს მხოლოდ სპეციალური მომზადება.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 11

სამობილიზაციო რეზერვისტთა მომზადება შეიძლება განხორციელდეს მიზნობრივ ჯგუფებში სპეციალობების მიხედვით:

ა) ამოცანაზე ორიენტირებულ ჯგუფებში;

ბ) რეზერვის ქვედანაყოფების შემადგენლობაში;

გ) საბრძოლო ქვედანაყოფების შემადგენლობაში;

დ) სამხედრო-საგანმანათლებლო დაწესებულებებში და ერთეულებში.

მუხლი 12

1. ტოტალური თავდაცვის ფარგლებში სხვადასხვა სახელმწიფო ამოცანების შესასრულებლად შექმნილი სარეზერვო ჯგუფების მომზადება ხორციელდება საქართველოს თავდაცვის მინისტრის მიერ დამტკიცებული მომზადების პროგრამით.

2. სარეზერვო ჯგუფების მომზადების პროგრამის შეიმუშავების პროცესში მონაწილეობა შეიძლება მიიღონ სხვა სახელმწიფო უწყებებმა, ასევე, საჯარო და კერძო სამართლის იურიდიულმა პირებმა.

3. „არასამხედრო, ალტერნატიული შრომითი სამსახურის შესახებ“ საქართველოს კანონით განსაზღვრულ რეზერვში ჩარიცხული პირების მომზადება ხორციელდება ეროვნული გვარდიის მიერ შექმნილ მიზნობრივ ჯგუფებში.

4. მიზნობრივ ჯგუფებში ჩარიცხული პირების მომზადება ხორციელდება ეროვნული გვარდიის მიერ



შემუშავებული პროგრამის მიხედვით.

მუხლი 13

1. რეზერვისტს უფლება აქვს სწავლების პროცესის მიმდინარეობის შესახებ გამოთქვას საკუთარი წინადადებები და მოსაზრებები, რომლებიც გაანალიზდება, შეფასდება და მისი მნიშვნელობიდან გამომდინარე, საჭიროების შესაბამისად იქნება გათვალისწინებული.
2. რეზერვისტები მომზადების დაწყებისთანავე მიიღებენ ინფორმაციას სასწავლო პროცესის წარმართვის შესახებ.
3. მომზადების მიმდინარეობისას განსაკუთრებული ადგილი უკავია საველე მეცადინეობებს, სადაც ხდება თეორიული ცოდნის პრაქტიკული უნარ-ჩვევებით განმტკიცება, სასწავლო მეთოდური საშუალებების გამოყენებით.
4. რეზერვისტების სამხედრო მომზადების პროგრამის საფუძველზე შედგენილი სასწავლო გეგმები, თემატიკის სახეები, საბრძოლო მომზადების პროგრამები და მატერიალურ-ტექნიკური უზრუნველყოფის ნორმები მტკიცდება საქართველოს თავდაცვის ძალების მეთაურის ინდივიდუალური ადმინისტრაციულ-სამართლებრივი აქტით.
5. მეცადინეობების ცხრილის შედგენა, რეზერვისტების სამხედრო მომზადების პროგრამისა და საბრძოლო მომზადების პროგრამიდან გამომდინარე, ხორციელდება იმ ქვედანაყოფების მეთაურის მიერ, სადაც მიმდინარეობს რეზერვისტთა მომზადება.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

მუხლი 14

სამინისტროს სტრუქტურული ქვედანაყოფების, ასევე, სამინისტროს სისტემაში შემავალი საჯარო სამართლის იურიდიული პირების, უფლებამოსილებები რეზერვისტ პროფესიულ და სპეციალურ მომზადებასთან დაკავშირებით:

- ა) სამინისტროს თავდაცვის ძალების გენერალური შტაბი – აძლევს მითითებებს და ზედამხედველობას უწევს თავდაცვის ძალებში შემავალ ქვედანაყოფებს იმ პროგრამების შესრულებაში, რომლებიც ქმნიან და ინარჩუნებენ რეზერვისტთა ძალთა საბრძოლო მზადყოფნას, საბრძოლო მზადყოფნის კომპონენტების შესაბამისად. ასევე, ამზადებს საბრძოლო მომზადებისა და სამინისტროს თავდაცვის ძალების რეზერვისტების და სერჟანტების მომზადებისა და განვითარების პროგრამებს;
- ბ) სამინისტროს სტრუქტურული ერთეულები, ასევე, სამინისტროს სისტემაში შემავალი საჯარო სამართლის იურიდიული პირები:
 - ბ.ა) ხელმძღვანელობენ და აკონტროლებენ რეზერვისტ პროფესიული და სპეციალური მომზადების მიმდინარეობას და ახორციელებენ რეზერვისტების მომზადების მიმდინარეობის შეფასებას;
 - ბ.ბ) გამოყოფენ საჭირო რესურსებს პროგრამების ეფექტური განხორციელებისათვის;
 - გ) ეროვნული გვარდია – ორგანიზებას უწევს რეზერვისტთა მომზადებისა და გადამზადების პროცესს. ეროვნული გვარდია, სამოხილიზაციო რეზერვისტ საბრძოლო მომზადების პროგრამების შემუშავებამდე, სხვა სახელმწიფო უწყებებთან, სამინისტროს შესაბამის სტრუქტურულ ერთეულებთან შეთანხმებით, ასევე უზრუნველყოფს სამოხილიზაციო რეზერვისტთა აღრიცხვის, გაწვევის, გამოძახების, მომზადების, ტრანსპორტირებისა და მართვის პროცესების განახლება/სრულყოფას, რაც გავრდის სამოხილიზაციო რეზერვისტების ოპტიმალური გადამწიგნობა-გამოყენების, ქვედანაყოფების გაძლიერების და სამინისტროს თავდაცვის ძალების დანაკარგების უწყვეტი შევსების შესაძლებლობებს.

საქართველოს თავდაცვის მინისტრის 2018 წლის 13 დეკემბრის ბრძანება №119 - ვებგვერდი, 14.12.2018წ.

